



Broj: 04-14-14692-8/18  
Sarajevo, 12.06.2018.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama ( „Sl. glasnik BiH“ broj:39/14), te Preporuke Komisije u postupku javne nabavke pod nazivom „Izrada glavnog projekta tramvajske pruge Ilidža- Hrasnica“ br: 04-14-14692-7/18 od 11.06.2018.godine, Ministar saobraćaja Kantona Sarajevo d o n o s i:

## **O D L U K U** **o izboru najpovoljnijeg ponuđača**

### **Član 1.**

Prihvata se Preporuka Komisije za nabavku u postupku javne nabavke: „Izrada glavnog projekta tramvajske pruge Ilidža- Hrasnica“, te ugovor dodjeljuje ponuđaču **IPSA Institut d.o.o. Sarajevo** prema dostavljenoj ponudi br: 04-14-24608 od 08.06.2018. godine u ukupnoj vrijednosti od **115.467,30 KM sa PDV-om.**

### **Član 2.**

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 3 (tri) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

### **Član 3.**

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 04-14-14692/18 od 20.03.2018. godine – „Izrada glavnog projekta tramvajske pruge Ilidža- Hrasnica“. Javna nabavka je provedena putem postupka: Otvoreni postupak. Vrijednost javne nabavke bez PDV-a iznosi 150.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-2-12-3-15/18 dana 17.05.2018. godine u 15:21h.

Rok za dostavu ponuda bio je 08.06.2018. godine do 11,30 h. Ž

Za navedenu nabavku u predviđenom roku i uredno zatvorenim kovertama, dostavljena je ponuda ponuđača:



- **IPSA INSTITUT d.o.o. Sarajevo**
- **SARAJ INŽENJERING d.o.o. Sarajevo.**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-14692/18 od 09.04.2018.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-14692-7/18 od 11.06.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2)
- da su blagovremeno zaprimljene dvije (2) ponude
- da nema neblagovremeno zaprimljenih ponuda
- da je ponuđač IPSA Institut d.o.o. Sarajevo dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda u kojem je utvrđeno slijedeće:

**1) Ponuđač SARAJ INŽENJERING d.o.o. Sarajevo, nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.**

A)Ponuđač je dužan da u skladu sa članom 50. tačka a) obezbjediti dokaze ( referens listu) da je u posljednje tri godine (2015., 2016. i 2017.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovane ugovore ukupne vrijednosti od minimalno 150.000,00 KM ( sa PDV-om) i više, a koji su u vezi s predmetnom nabavkom ( Usluge tehničkog projektiranja u građevinarstvu za objekte niskogradnje-željeznička infrastruktura).

**Referenc lista kao i potvrde o uredno realizovanim ugovorima koje je ponuđač dostavio u cilju dokazivanja traženog uslova ne ispunjavaju isti u smislu vrijednosti ugovora zahtijevanog navedenom tačkom tenderske dokumentacije.**

**2) Ponuđač IPSA Institut d.o.o. Sarajevo u predmetnom postupku javne nabavke, dostavio je prihvatljivu ponudu u skladu sa tenderskom dokumentacijom, u ukupnom iznosu od 139.000,00 KM (bez PDV-a), a 115.467,30 KM (sa PDV-om) i uračunatim popustom od 29 % za ukupno izvršenje usluge izrade glavnog projekta tramvajske pruge Ilidža- Hrasnica, te sve u skladu sa projektnim zadatkom koji je dio tenderske dokumentacije.**

U skladu sa kriterijumom za dodjelu ugovora "najniža cijena", **ugovor se dodjeljuje ponuđaču IPSA Institut d.o.o. Sarajevo u ukupnoj vrijednosti nabavke 115.467,30 KM (sa PDV-om).** Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 2.000,00 KM, u skladu sa članom 108. stav 1. tačka c) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



**MINISTAR**

**Dr.sc Mujo Fišo**

Prilog:

1. - Zapisnik o pregledu i ocjeni ponuda broj: 04-143/4692-7/18 od 11.06.2018.godine sa svim priložima

Dostaviti:

1. Ipsa Institut d.o.o. Sarajevo  
Ul. Put života bb, Sarajevo
2. Saraj Inženjering d.o.o Sarajevo  
Ul. Zmaja od Bosne 7-7a, Sarajevo
3. Ministarstvo saobraćaja Kantona Sarajevo
4. evidenciji
5. a/a



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



